



Adresa: **Ul. Hamdije Čemerlića 39**  
71000 Sarajevo  
<http://www.voda.ba>

tel. +387 33 726-400  
fax. +387 33 726-423  
e – mail: [info@voda.ba](mailto:info@voda.ba)

Broj: **UP-1/21-2-40-384-2/25**

Datum: **25.09.2025. godine**

«Agencija za vodno područje rijeke Save» Sarajevo rješavajući po zahtjevu Grada Visoko za donošenje rješenja o vodnoj saglasnosti na projektnu dokumentaciju za aktivnost – prelaz cjevovoda preko rijeke Bosne odnosno postavljanje/ovješeno cjevovoda na konstrukciju postojećeg mosta u naselju Čekrekčije a u sklopu izgradnje vodovodnog sistema za naselje Vratnica, grad Visoko, na osnovu člana 109. stav (1) tačka 10. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

### **R J E Š E N J E** **o vodnoj saglasnosti**

1. Gradu Visoko daje se vodna saglasnost za aktivnost – prelaz cjevovoda preko rijeke Bosne odnosno postavljanje/ovješeno PEHD cjevovoda Ø110 mm na konstrukciju postojećeg mosta izgrađenog u naselju Čekrekčije na dijelu parcela označenih kao k.č. broj: 720 K.O. Čekrčići i k.č. broj: 518 K.O. Kula Banjer a u sklopu izgradnje vodovodnog sistema za naselje Vratnica, grad Visoko na osnovu projektno dokumentacije:
  - Glavni projekat vodosnabdijevanja za naselje Vratnica, općina Visoko urađen od strane «Zavod za vodoprivredu» d.d. Sarajevo, decembar 2023. godine te revidovan od strane «TEAM HIDRO» d.o.o. Sarajevo (broj: 009-06-03/24, mart 2024. godine),
  - Elaborat prelaza cjevovoda preko mosta za Glavni projekat vodosnabdijevanja za naselje Vratnica, općina Visoko urađen od strane «Zavod za vodoprivredu» d.d. Sarajevo, mart 2025. godine.

Ova vodna saglasnost može se koristiti isključivo u postupku pribavljanja odobrenja za građenje vodovodnog sistema za naselje Vratnica, grad Visoko u skladu sa Zakonom o prostornom uređenju i građenju Zeničko-dobojskog kantona («Službene novine Zeničko-dobojskog kantona», broj 17/23).

2. Vodna saglasnost se donosi na osnovu pregleda dostavljene projektno dokumentacije iz tačke 1. dispozitiva ovog Rješenja koja se ovjerena vraća podnosiocu zahtjeva na trajno čuvanje i čini sastavni dio Rješenja a ista će se koristiti u postupku pribavljanja odobrenja za građenje.
3. Vodna saglasnost se donosi na osnovu pregleda dostavljene projektno dokumentacije, utvrđenog činjeničnog stanja i pod sljedećim uslovima:
  - 3.1. Sve radove na prelazu cjevovoda preko rijeke Bosne odnosno postavljanju/ovješeno PEHD cjevovoda Ø110 mm na konstrukciju postojećeg mosta izgrađenog u naselju Čekrekčije u sklopu izgradnje vodovodnog sistema za naselje Vratnica, grad Visoko izvesti u skladu sa ovjerenom projektnom dokumentacijom iz tačke 1. ovog Rješenja tj. na način utvrđen u opisu tehničkog rješenja i tehničkih uslova izvođenja radova a u skladu sa uslovima iz ove vodne saglasnosti.
  - 3.2. Tehnologiju izvođenja radova prilagoditi uslovima na terenu uz odgovarajuća osiguranja ljudi i materijalnih dobara.
  - 3.3. Ukoliko se tokom izvođenja radova utvrdi da je trasa cjevovoda u koliziji sa postojećim instalacijama i stečenim pravima korisnika, riješiti njihovo ukrštanje ili izmještanje uz saglasnost nadležnih preduzeća odnosno organa uprave.
  - 3.4. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim kao i postojeće korisnike voda.
  - 3.5. U toku izvođenja radova na obalama rijeke Bosne te radova na postavljanju cjevovoda na konstrukciju mosta, otpad se ne smije ni privremeno odlagati na zemljišnu česticu «vodno dobro», odnosno unositi u vodotok i na njegove obale.
  - 3.6. Planom organizacije gradilišta koje će se formirati u funkciji provođenja navedenih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.

- 3.7. Pomoćne objekte i zahvate na obalama rijeke Bosne izvesti na način da isti što manje ugrožavaju proticajni profil rijeke Bosne a nakon završetka radova, iste je potrebno ukloniti te obale i okolni teren vratiti u prvobitno stanje.
- 3.8. Predvidjeti da se sav nastali otpad prikuplja i zbrinjava izvan površina obuhvaćenim uticajem velikih voda, a u skladu sa važećim propisima o postupanju sa otpadom.
- 3.9. Investitor (korisnik vodne saglasnosti) je u obavezi da u skladu sa zakonodavstvom iz oblasti građenja angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
- 3.10. Investitor (korisnik vodne saglasnosti) je obavezan ispoštovati uslove iz Rješenja o urbanističkoj saglasnosti za izgradnju vodovodne mreže naselja Vratnica broj: 04/1-19-2-96/24 izdatog dana 22.08.2025. godine od strane Službe za urbanizam, imovinsko-pravne, geodetske poslove i katastar nekretnina, Grad Visoko.
4. Ukoliko se izvođenjem radova na postavljanju/ovješenu PEHD cjevovoda Ø110 mm na konstrukciju postojećeg mosta preko rijeke Bosne izgrađenog u naselju Čekrekčije a u sklopu izgradnje vodovodnog sistema za naselje Vratnica, grad Visoko ili drugim aktivnostima vezanim za predmetne radove prouzrokuju štetne promjene režima voda, prouzrokuju štete i naruši stabilnost korita i obala ili nanesu štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi o vlastitom trošku.
5. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
6. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
7. Korisnik vodne saglasnosti je dužan da prije početka izvođenja radova u saradnji sa nadležnim službama Grada Visoko riješi imovinsko pravne odnose na lokalitetu izvođenja radova, na mjestu formiranja privremenih gradilišta, pristupnim putevima i deponijama za odlaganje viška materijala.
8. Po završetku predmetnih radova i obavljenog tehničkog pregleda izvedenih radova, korisnik vodne saglasnosti će shodno članu 115. Zakona o vodama zatražiti izdavanje vodne dozvole, a prije pribavljanja odobrenja za upotrebu objekata. Zahtjev se dostavlja u skladu sa članom 12. stav (3) i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22).
9. Ova vodna saglasnost prestaje važiti istekom roka od dvije godine ukoliko u tom roku ne bude pribavljeno odobrenje za građenje i započeti radovi na postavljanju/ovješenu PEHD cjevovoda Ø110 mm na konstrukciju postojećeg mosta preko rijeke Bosne izgrađenog u naselju Čekrekčije a u sklopu izgradnje vodovodnog sistema za naselje Vratnica, grad Visoko u skladu sa tehničkom dokumentacijom iz tačke 1. dispozitiva ovog Rješenja.
10. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

## **O b r a z l o ž e n j e**

Grad Visoko podnio je ovoj Agenciji dana 05.02.2025. godine zahtjev za donošenje rješenja o vodnoj saglasnosti za aktivnost – prelaz cjevovoda preko rijeke Bosne odnosno postavljanje/ovješenu PEHD cjevovoda Ø110 mm na konstrukciju postojećeg mosta izgrađenog u naselju Čekrekčije na dijelu parcela označenih kao k.č. broj: 720 K.O. Čekrčići i k.č. broj: 518 K.O. Kula Banjera u postupku izdavanja odobrenja za izgradnju vodovodnog sistema za naselje Vratnica, grad Visoko.

U provedenom postupku, uz zahtjev za izdavanje vodne saglasnosti dostavljena je i pregledana sljedeća dokumentacija:

- Ovjerena kopija Uvjerenja o registraciji poreznog obveznika izdatog dana 15.11.2019. godine od strane Porezne uprave Federacije BiH - Kantonalni porezni ured Zenica,
- Ovjerena kopija Uvjerenja o registraciji/upisu u Jedinstveni registar indirektnih poreza broj: 04/1-17-1-UPJR/1-7981-2/19 izdatog dana 16.12.2019. godine od strane Uprave za indirektno-neizravno oporezivanje Banja Luka,
- Ovjerena kopija Obavještenja o razvrstavanju pravnog lica prema klasifikaciji djelatnosti broj: 07-32.5-91625/19 izdatog dana 19.11.2019. godine od strane Službe za statistiku za područje Zeničko-dobojskog kantona,

- Ovjereni kopija Odluke o proglašenju Općine Visoko Gradom broj: 01/1-02-205/17 donesene dana 31.05.2017. godine od strane Općinskog vijeća Visoko,
- Kopija Rješenja o prethodnoj vodnoj saglasnosti broj: UP-1/21-1-40-054-4/25 izdatog dana 10.03.2025. godine od strane «Agencije za vodno područje rijeke Save» Sarajevo,
- Kopija Rješenja o urbanističkoj saglasnosti za izgradnju vodovodne mreže naselja Vratnica broj: 04/1-19-2-96/24 izdatog dana 22.08.2025. godine od strane Službe za urbanizam, imovinsko-pravne, geodetske poslove i katastar nekretnina, Grad Visoko,
- Kopija urbanističko-tehničkih uslova broj: 04/1-19-2-96/24 izdatih dana 12.08.2025. godine od strane Službe za urbanizam, imovinsko-pravne, geodetske poslove i katastar nekretnina, Grad Visoko,
- Glavni projekat vodosnabdijevanja za naselje Vratnica, općina Visoko urađen od strane «Zavod za vodoprivredu» d.d. Sarajevo, decembar 2023. godine,
- Elaborat prelaza cjevovoda preko mosta za Glavni projekat vodosnabdijevanja za naselje Vratnica, općina Visoko urađen od strane «Zavod za vodoprivredu» d.d. Sarajevo, mart 2025. godine,
- Dokaz o uplaćenju upravnoj taksi na zahtjev.

U provedenom dokaznom postupku koji je prethodio donošenju ovog rješenja utvrđeno je sljedeće:

Za potrebe izvođenja radova na izgradnji vodovodne mreže naselja Vratnica odnosno izgradnji primarnog distributivnog cjevovoda za vodosnabdijevanje naselja Vratnica kao dio dogradnje vodovodnog sistema Visoko – podsistem Moštre, izrađena je projektna dokumentacija - *Glavni projekat vodosnabdijevanja za naselje Vratnica, općina Visoko* od strane «Zavod za vodoprivredu» d.d. Sarajevo, decembar 2023. godine. Reviziju projektne dokumentacije uradila je projektna kuća «TEAM HIDRO» d.o.o. Sarajevo, mart 2024. godine.

Od strane Službe za urbanizam, imovinsko-pravne, geodetske poslove i katastar nekretnina Grada Visoko za radove na izgradnji vodovodne mreže naselja Vratnica, dužine distributivnog cjevovoda 7057,85 m na parcelama označenim kao k.č. broj: 561 i 720 K.O. Čekrčići, k.č. broj: 517, 518, 519 i 524 K.O. Kula Banjer, k.č. broj: 120, 121, 122, 28/5, 30, 1343, 1349, 1120, 1122/1, 1344, 1914 i 627 K.O. Vratnica, grad Visoko izdato je Službi za infrastrukturu, ekologiju, komunalne i inspeksijske poslove Grada Visoko dana 22.08.2025. godine Rješenje o urbanističkoj saglasnosti broj: 04/1-19-2-96/24 sa određenim uslovima. Dostavljena projektna dokumentacija iz tačke 1. dispozitiva Rješenja urađena je u skladu sa uslovima iz Rješenja o prethodnoj vodnoj saglasnosti broj: UP-1/21-1-40-054-4/25 izdatog od strane ovog organa dana 10.03.2025. godine, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju data vodna saglasnost na istu.

U cilju poboljšanja snabdijevanja vodom stanovnika naselja Vratnica, grad Visoko projektnom dokumentacijom predviđeno je snabdijevanje vodom sa rezervoara Pertac izgradnjom transportnog cjevovoda Čekrekčije – Vratnica duž regionalnog puta R445 Visoko–Ilijaš i lokalnih asfaltnih saobraćajnica sa izgradnjom sekundarnih dionica. Lokacija na kojoj cjevovod prelazi preko mosta predstavlja ključnu tačku infrastrukturnog sistema (početna dionica kompletne trase). Prelaz cjevovoda preko rijeke Bosne u naselju Čekrekčije predviđen je ovješanjem PEHD cjevovoda Ø110 specijalnim nosačima na bočnu konstrukciju postojećeg mosta (dužina trase je 42,40 m). Za prelaz cjevovoda preko mosta ishodovana je saglasnost od nadležne Službe za infrastrukturu, ekologiju, komunalne i inspeksijske poslove Grada Visoko.

Na temelju utvrđenog činjeničnog stanja i dostavljene dokumentacije, a u cilju smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 3. dispozitiva rješenja, shodno odredbama člana 114. Zakona o vodama i člana 17. stav (1) tačka 11. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), propisani uslovi koje je investitor dužan ispuniti u toku predmetne gradnje.

Uzimajući u obzir naprijed navedeno a u svrhu polaganja cjevovoda preko rijeke Bosne odnosno postavljanja/ovješanja PEHD cjevovoda Ø110 mm na konstrukciju postojećeg mosta izgrađenog u naselju Čekrekčije, grad Visoko, na osnovu člana 109. stav (1) tačka 10. i člana 114. Zakona o vodama i člana 17. stav (1) tačka 11. Pravilnika o sadržaju, obliku, uslovima, načinu izdavanja i čuvanja vodnih akata, riješeno je kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

### Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Prilog:

- Ovjeren Glavni projekat vodosnabdijevanja za naselje Vratnica, općina Visoko urađen od strane «Zavod za vodoprivredu» d.d. Sarajevo, decembar 2023. godine
- Ovjeren Elaborat prelaza cjevovoda preko mosta za Glavni projekat vodosnabdijevanja za naselje Vratnica, općina Visoko urađen od strane «Zavod za vodoprivredu» d.d. Sarajevo, mart 2025. godine

Po ovlaštenju

Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- Grad Visoko (prilog)  
ul Alije Izetbegovića br 12 A, 71300 Visoko
- AVP Sava, ISV-vodna knjiga
- Sektor 40 – arhiva
- Oglasna ploča AVP Sava